



复次，

348

空法坏因果，亦坏于罪福，

亦复悉毁坏，一切世俗法。¹

若受空法者，则破罪福及罪福果报²，亦破世俗法。有如是等诸过故，诸法不应空。³

¹ 一、《般若灯论释·观圣谛品》云：

若因果体空，法非法亦空，
世间言说等，如是悉皆破。

二、《大乘中观释论·观圣谛品》云：

若因果体空，即无法非法，
世俗诸所行，亦破一切法。

² 《中阿含经·业相应品波罗牢经》云：

[“又以铁轮利如剃刀，彼于此地一切众生，于一日中斫截斩剝，剥裂剖割，作一肉段，一分一积；因是无恶业，因是无恶业报。恒水南岸杀、断、煮去，恒水北岸施与、作斋、咒说而来；因是无罪无福，因是无罪福报。施与、调御、守护、摄持、称誉、饶益，惠施、爱言、利及等利；因是无福，因是无福报。”]

³ 一、《般若灯论释·观圣谛品》云：

[如上偈说“若三宝皆空，则破一切有。”是义有过，故论偈言：

若因果体空，法非法亦空；
世间言说等，如是悉皆破。

释曰：此谓作是说者而不欲得有过。此过云何免耶？若不立空而有起灭诸体有自体者，彼得无过。是中作验，诸体有自体，有起灭故。若言诸体无自体者，不应见有起灭，譬如空华。]

二、《大乘中观释论·观圣谛品》云：

[故下颂曰：

若因果体空，即无法非法，
世俗诸所行，亦破一切法。

论者言：此如是等，汝说皆非，彼诸法性即是空性，空若不有，破诸所成。若或执著诸法皆空，又即世间若法非法，一切所作，果体法用，耕植等事，世俗所行，皆悉破故。]

三、《中论释·明句论·观圣谛品》云：

[复次，颂曰：





答曰：

349

汝今实不能， 知空空因缘，

及知于空义， 是故自生恼。⁴

汝不解云何是空相， 以何因缘说空⁵， 亦不解空义， 不能如实知故， 生如是疑难。⁶

空法坏因果， 亦坏于罪福，
亦复悉毁坏， 一切世俗法。

应当结合“如是说空者”诠释。若此等一切皆空，无所有者，因万法皆摄于“一切”中故，则破于罪福，及罪福果报故，无有所求及与不求者，亦破凡世俗中，衣、食、住、行等一切法。如是等法皆摄在“一切法”中故。一切诸法亦因空，无所有故则不然。是故如是说空者则非善说。]

四、《十二门论·观性门》云：

[问曰：“若一切法空，则无生无灭；若无生灭，则无苦谛；若无苦谛，则无集谛；若无苦、集谛，则无灭谛；若无苦灭，则无至苦灭道。若诸法空无性，则无四圣谛；无四圣谛故，亦无四沙门果；无四沙门果故，则无贤圣。是事无故，佛、法、僧亦无，世间法皆亦无。是事不然，是故诸法不应尽空。”]

⁴ 一、《般若灯论释·观圣谛品》云：

汝今自不解， 空及于空义，
能灭诸戏论， 而欲破空耶？

二、《大乘中观释论·观圣谛品》云：

诸法无自体， 有执非道理，
此中佛所说， 空故有行相。

⁵ 《大智度论·照明品》云：

[菩萨住二谛中为众生说法，不但说空、不但说有；为爱著众生故说空、为取相著空众生故说有，有、无中二处不染。]

⁶ 一、《般若灯论释·观圣谛品》云：

[如论偈说：

汝今自不解， 空及于空义，
能灭诸戏论， 而欲破空耶？

释曰：空者能灭一切执著戏论，是故名空。空义者，谓缘空之智，名为空义。汝今欲得破坏真实相者，如人运拳以打虚空，徒自疲极终无所损。汝若作是言：如上偈说“若一切法空，无起亦无灭。”汝作如是说者，亦徒疲劳不解中意。]





二、《大乘中观释论·观圣谛品》云：

[故下颂曰：

诸法无自体， 有执非道理，
此中佛所说， 空故有行相。

释曰：不应如是破于空义。所言空义者，此中所谓空所缘义，离色相故，而能息灭一切戏论；以无分别智说诸行相烦恼生等最胜解脱。如是空义证成中道，远离二边，是中亦非所缘相应。又复胜义谛中，诸法皆空，离二边故，诸说行相烦恼、所知障等，皆是空义，彼世俗谛色等无体。]

三、《中论释·明句论·观圣谛品》云：

[答曰：

汝今实不能， 知空空因缘，
及知于空义， 是故自生恼。

汝今自己计执空义为无所有，如是昧见倒执，是故指责：

“若一切皆空， 无生亦无灭，
如是则无有， 四圣谛之法。
以无四谛故， 见苦与断集，
证灭及修道， 如是事皆无。
以是事无故， 则无四道果，
无有四果故， 得向者亦无。
若无八贤圣， 则无有僧宝；
以无四谛故， 亦无有法宝；
以无法僧宝， 亦无有佛宝；
如是说空者， 是则破三宝。
空法坏因果， 亦坏于罪福，
亦复悉毁坏， 一切世俗法。”

于我等失去信心，即名大失。谓种种不正非理妄执所害义。汝所受者实非我等于此论中所说空义。汝因不知空义故则未了空法。亦不了说空因缘。亦不解诸法如实相故，汝今妄说种种与我毫无相干且不契至理的诸多难问指责。

问曰：若尔者，何名说空因缘？

此义如前于〈观我品〉中，如论偈曰：

业烦恼灭故， 名之为解脱；
业烦恼非实， 入空戏论灭。

因此为了无余殄灭诸戏论故开示空性。故知说空的因缘（必要）就是为了息灭一切戏论。然而汝等却计执空性名无义而徒增戏论网罟而未解说空因缘。

问曰：何谓为空？

答曰：如前偈中说：

自知不随他， 寂灭无戏论，
无异无分别， 是则名实相。

是故灭诸戏论的空中云何当得有无相耶？是故汝亦未知空义。应如是受持。至于空性的文义，如后偈中说：

众因缘生法， 我说即是空，
亦为是假名， 亦是中道义。

是故世尊亦说偈曰：





中论释



若诸缘起彼无生， 彼生自体不可得，
若缘自在说彼空， 解空名为不放逸。

是故缘起义即名是性空义，实非无义名空义。汝今计执无义为空义，便于我等妄求其过。是故也是未知空义所致。汝因无知而妄求其过故定招自损。]

四、法尊法师译《回诤论偈》云：

诸说空缘起， 中道为一义，
无等第一语， 敬礼如是佛。

